

Kekchi - Tijok Salmos - WP Psalms

Salmos 68:1,2 Re li xjolomileb' laj b'ichanel. Xsaalm ut xb'ich laj David.

2 Li Qaawa' naxaqliik ut eb' li xik' neke'ilok re neke'xcha'cha'i rib'eb'; eb' li neke'tz'eqtaanank re neke'elelikje'k chiru.

Salmos 5:10,11 Eb' a'an moko yaal ta neke'aatinak, k'ajo' xyib'al ru xna'leb'eb'. Li xxololeb' chanchan teetookil muqleb'aal, sa neke'q'unb'esink rik'ineb' li ru'uj raq'. 11 Chak'eheb' chi xtojb'al xmaakeb', at inYos, ink'a' taxaq chiruuq li xk'uub'ahomeb'. Chatz'eqtaanaheb' xb'aan naq numtajenaq li xmaa'usilaleb': k'ajo' naq neke'xq'et laawaatin.

Salmos 11:6 Tixtaqla chaq xam utasuupr sa' xb'eeneb' li wankeb' xmaak, ut tixq'ajkamuheb' rik'in kaqsut-iq' li tixk'at chixjunil.

Salmos 18:15 Xkutihatq chaq li xsimaj ut xyoolesiheb'; rik'in xk'atom li raq'kaaq xsacheb' xwankil.

Salmos 18:18 Xinxkol sa' ruq' li xik' na'ilok we q'axal nim xwankil, chiruheb' li nikine'xtz'eqtaana, eb' li jwal kaweb' rib' chiwu.

Salmos 18:40 Laa'at xatk'ehok inmetz'ew re yalok, ut xak'eheb' rub'el inwankil eb' li neke'rahob'tesink we;

Salmos 18:46 Eb' laj ab'l tenamit neke'lajk xmetz'ew, ut neke'siksotk naq neke'xkanab' chaq li xmuqb'al rib'eb'.

Salmos 27:11 Chak'ut chiwu laab'e, at Qaawa', chinaab'eres taxaq sa' li tiikilal xb'aan naq wankeb' li xik' neke'ilok we.

Salmos 35:1-8 Xsaalm laj David. At Qaawa', yalon rik'ineb' li neke'raj yalok wikk'in, pleetin rik'ineb' li neke'pleetink we. 2 Chap li koleb' ib' ut li ramleb' ch'iich', ut xaqlin chaq chintenq'ankil. 3 B'otz' laajutz' che' sa' rochoch ut rameb' li neke'rahob'tesink we: "Laa'in laj kolol aawe", cha'qat we. 4 Te'kaqo'q xb'aaneb' xxutaan eb' li neke'raj inkamsinkil; che'sutq'iil chirixeb' chi sachsooqeb' xch'ool eb' li neke'yoob'ank ch'a'ajkilal chiwix. 5 Chanchanaqeb' taxaq li xmoqojil ixim sa' iq'; li x'anjel li Qaawa' chicha'cha'inq reheb'. 6 Q'oqyinaq taxaq ru li xb'eheb' ut yolyolaq ru, naq yooq raanilasinkileb' xb'aan li x'anjel li Qaawa'. 7 Xb'aan naq xe'xk'e inra'lenkil chi maak'a' inmaak; xe'xb'ekatq injulel, us ta ink'a' xinmaakob'k. 8 Chichalq taxaq li sache'k sa' xb'eeneb' chi maak'a'eb' sa' xch'ool: che'chape'q taxaq xb'aan li ra'al xe'xyiib', che't'ane'q taxaq sa' li jul b'ekb'il xb'aaneb'!

Salmos 52:7 Jo'kan naq li Yos tatxpitzi, tixsach aawu chi junajwa, tatrasi sa' laawochoch jo' ajwi' sa' xna'ajeb' li yo'yookeb'.

Salmos 60:14 Qochb'een li Yos taaqab'aanu sachb'ach'oolej; a'an taasachoq xwankil eb' li xik' neke'ilok qe!

Salmos 66:3 Yehomaq re li Yos: "Sachb'ach'oolej laab'aanuhom! Sa' xk'ab'a' xnimnal aawankil, tule'wiq'laaq eb' li xik' neke'ilok aawe.

Salmos 68:36 Q'axal nim xwankil li Yos toj sa' chaq li xloq'laj na'aj! A'an li xYos laj Israel, a'an li nak'ehok xwankil ut xkawilal li xtenamit. Usilaatinanb'il taxaq li Qaawa'!

Salmos 70:1,2 Re li xjolomileb' laj b'ichanel. Xsaalm laj David. Re xjultikankil. 2 At inYos, kim chinkolb'al! At Qaawa', seeb'a chaq aawib' chintenq'ankil!

Salmos 71:13 Ink'a' us che'elq ut che'sache'q xwankil eb' li neke'ajok inkamsinkil; xutaanal che'kanaaq ut sachsooq xch'ooleb' li neke'yoob'ank raaxiik' chiwix laa'in.

Salmos 76:13 a'an na'isink re xyu'am eb' li neke'taqlank ut naxib'esi chixjunileb' li awab'ej sa' ruuchich'och'.

Salmos 118:10 Xine'xsut chixjunileb' li poyanam, ab'an xeb'insach ru sa' xk'ab'a' li Qaawa'.

Salmos 118:12 Xine'xsut chanchaneb' li ch'ub'; chanchaneb' xam sa' li k'ix naq xine'xsach raj, ab'an xinyoolesiheb' sa' xk'ab'a' li Qaawa'.

Salmos 149:8,9 re xk'eeb'al sa' tz'alam chixjunileb' li awab'ej, ut xb'ak'b'aleb' rik'in chapleb' ch'iich' li neke'taqlank reheb'; 9 re naq taatz'aqloq ru li tz'iib'anb'il sa' li raqb'a aatin. A'an xnimnal xloq'al cho'q reheb' chixjunil laj paab'anel. Aleluya!

Pastor T. John Franklin
Church of Salvation, Healing, and Deliverance
COS-HAD.org